

九經學殘藁三卷周禮二儀禮一南城王君貞吾撰
原題卷數當八九十前後諸卷皆不得見此本爲大
興翁氏石墨書樓物王君出覃谿學士門下蓋當時
手寫以求正者書眉有學士題識二行曰王實齋周
禮儀禮學丁巳十一月寄到疑本非完帙王君所撰
大戴禮記解詁已槩行爲江都焦氏三十二讀書贊
之一同治庚午順德李仲約學士視學江西余乞學
士於按試建昌數事時訪其遺書僅得解詁槩本而
已壬申余來江西承大府命與脩通志會建昌府

志彙初成檢王君傳不及此書遂舉示之更屬官其地者求之今已八年竟無禽者蓋散佚久矣王君治經謹守師法不務高論不習調人於江西學者爲最醇實里堂氏之稱善不虛也全書旣不可得其鄉人亦未見此書爲刻以存之仍題曰九經學冀有能搜葺補成之者光緒六年四月會稽趙之謙

九經學

南城王聘珍貞吾箸

周禮一

漢書景十三王傳云河閒獻王所得書皆古文先秦舊書周官尚書禮禮記藝文志云周官經六篇周官傳四篇此周禮在漢世初出屋壁之時名曰周官也荀悅云劉歆以周官十六篇爲周禮陸德明云劉歆始建立周官經以爲周禮賈公彥序周禮廢興引鄭康成序云世祖以來通人達士大中大夫鄭少贛名

興及子大司農仲師名眾衛次仲賈景伯馬季長皆
佗周禮解詁又云其名周禮爲尚書周官者周天子
之官也書序曰成王旣黜殷命滅淮夷還歸在豐作
周官是言蓋失之矣天官惟王建國注云周公居攝
而佗六典之職謂之周禮據此則周公箸此書本名
周禮故孔穎達枚舉周禮之見于經籍者七處而自
漢以苐從未有以周官稱之者至漢復出之時師承
久絕人見其所載皆是官職又因尚書序有周官篇
目世儒未見其書或欲以此當之自劉歆以來乃復

其本名曰周禮鄭康成主之嘗曰劉子駿等識古有此制焉

天官治官之屬大宰胥十有二人徒百有二十人注此民給徭役者若今衛士矣案漢官儀云民年二十三爲正一歲以爲衛士一歲爲材官騎士習射御騎馳戰蹴年五十六老衰乃得免爲民就田里下經外饗職饗士庾子注云士庾子衛王宮者若今時之饗衛士矣案漢書王尊傳正月行幸曲臺臨饗罷衛士如淳曰諸衛士更盡得代故天子自臨而饗之蓋寬

饒傳歲盡交代上臨饗罷衛卒師古曰得代當歸者也續漢書禮儀志有饗遣故衛士儀

籩人注竹曰籩疏曰知竹曰籩者更無異文見竹下爲字卽知以竹爲之故云竹曰籩也籩人掌四籩之實注云籩竹器如豆者疏曰鄭知籩是竹器者以其字竹下爲之亦依漢禮器制度而知也案余正釋器云木豆謂之豆竹豆謂之籩瓦豆謂之登毛詩于豆于登傳云木曰豆瓦曰登孔氏正義引余正釋之今鄭云竹曰籩又云籩竹器如豆者亦正詁也疏云無

異文又云依漢禮器制度而知非是

小宰之職掌建邦之宮荆以治王宮之政令凡宮之糾禁注若今御史中丞王伯厚引徐氏微言謂小宰乃漢御史大夫之職以小宰如今御史中丞康成之誤案續漢書百官志御史中丞一人千石本注曰御史大夫之丞也舊別監御史在殿中密舉非濫及御史大夫轉爲司空因別畱中爲御史臺率是後漢無御史大夫中丞卽爲御史臺率鄭氏舉以況小宰者謂其殿中密舉非濫與小宰掌宮之糾禁相似非必

謂其官職之大小也

凡二鄭引漢官況周官者當以此類求

矧并漢御

史大夫與丞相竝號兩府備三公乃周官六卿之類豈可以比小宰

宮正以時比宮中之官府次舍之衆寡注次諸吏直宿若今部署諸廬者舍其所居寺案釋名云寄止曰廬廬慮也取其止息覆慮也寺嗣也治事者相嗣續于其內也廣韻云部分判也署廨署聘珍謂鄭云部署謂廬者乃分別諸曹治事之處而署之蕭何題蒼龍白虎二闕謂之署書

庖人共祭祀之好羞注青州之蜊胥釋文云胥息徐反劉音縈字林先於反蜊醬也王伯厚云庖人注青州之蜊胥集韻蜊蜊醢四夜切當从集韻聘珍案說文云胥蜊醢也釋名云蜊胥取蜊藏之使骨肉解之胥胥然也廣韻九魚胥字注引說文曰蜊醢也四十馮蜊字注云鹽藏蜊說文玉篇蜊字皆注云蜊蜊也廣韻云鹽藏蜊與蜊醢之義亦異集韻乃云蜊蜊醢新義也伯厚欲以新義弇古義宋人之習如此

夏行牀鱸膳膏臊注鄭司農云鱸乾魚膏臊豕膏也

杜子春云膏臊犬膏案說文鱠作臠臊作鰾臠字注云乾魚尾臠臠也从肉肅聲周禮有臠臠鰾字注云鮓魚也从魚臬聲周禮曰臠膏鰾案此字形字義與杜鄭經本全異或謂許君受學于賈景伯賈作周禮解詁說文多賈侍中說

酒正一曰泛齊注如今宐成醪矣疏曰宐成說以爲地名故臠植酒賦曰宐成醪醪蒼梧纓清若馬融所云今之宐成會稽稻米清似宐成以爲酒名故劉杳嬰正亦以宐成爲酒名二者未知孰是今鄭云宐成

醪矣亦未知鄭意地名酒名類下酇白則爲地名案
釋名云韓芋韓兔韓雞本灋出韓國所爲也猶酒言
空城醪蒼梧清之屬也文選七命李善注引張華輕
薄篇云蒼梧竹葉清空城九醞酒據此則空城之爲
地名無疑續漢書郡國志南郡有空城侯國

漿人水漿醴涼注涼今寒醪若糗飯雜水也案釋名
云寒醪末稻米投寒水中育育然也糗耦也飯而礪
椒之使耦碎也

玉府共王之服玉佩玉珠玉注螭珠以納其閒疏曰

蠙蚌也珠出于蚌故言蠙珠案尚書淮夷蠙珠鄭注云蠙珠珠名說文云玼珠也从玉比聲宋宏云淮水中出玼珠玼珠之有聲重文作蠙注云夏書玼从虫賓許君此說與鄭同賈疏非鄭義也

司衷中秋獻良裘王乃行羽物注中秋鳩化爲鷹中春鷹化爲鳩此並月令文引此者證此中秋行羽物與月令中秋鳩化爲鷹殺物之時是順其始殺也故行羽物案月令季夏之月鷹乃學習孟秋鷹乃祭鳥並無中秋鳩化

爲鷹之說孔氏禮記正義云鳩化爲鷹然後設罽羅者謂八月時但鳩化有漸故月令季夏云鷹乃學習孟秋云鷹乃祭鳥其鳩化爲鷹則八月時也以月令二月時鷹化爲鳩則八月鳩化爲鷹也聘珍案夏小正五月鳩爲鷹六月鷹始摯卽月令云鷹乃學習也月令孟秋鷹乃祭鳥鄭注云鷹祭鳥者將食之示有先也旣祭之後不必盡食是鷹食鳥在中秋之時鷹惟食鳥然後成其殺性故鄭云中秋鳩化爲鷹

內司服鞠衣注鄭司農云鞠衣黃衣也平謂鞠衣黃

桑服也色如鞠塵象桑葉始生月令三月薦鞠衣于
先帝告桑事疏曰云色如鞠塵者翹塵不爲翹字者
古通用孔氏禮記正義云鄭注內司服云鞠衣黃桑
服也色如鞠塵象桑葉始生鞠者草名萐色黃故季
秋之月云鞠有黃萐是鞠衣黃也聘珍案孔氏以鞠
衣之鞠爲鞠萐本漢人劉熙之說與鄭所云鞠塵者
不合其說非是鞠卽翹斲之翹古無翹字說文作鞠
古與鞠通齊民要術說作翹之灋以青蒿上下舂之
置牀上三七二十一日開看徧生黃衣乃止釋名云

翹朽也鬱之使生衣

褱衣揜狄闕狄展衣緣衣注褱揜狄展聲相近緣字之誤也蓋謂褱當爲翬揜當爲搖狄當爲翟展當爲褱緣當爲褱釋名云王后之上服曰褱衣畫翬雉之文于衣也伊洛而南雉縹質五色備曰翬搖翟畫搖雉之文于衣也江淮而南青質五色備曰搖闕翟縹闕繒爲翟雉形以綴衣也褱衣褱坦也坦然正白無文采也褱衣褱然黑色也案劉熙此說與鄭注一一相合據吳志韋曜傳劉與鄭世之相去當不甚遠豈

古經師相傳之說與

地官師氏注書序曰周公爲師召公爲保相成王爲

左右聖賢兼此官也疏曰此鄭君之意謂三公之號

無師保之名兼此二官得師保之稱鄭志趙商問成

王周官立大師大傅大保茲惟三公卽三公之號自

有師保之名成王周官是周公攝政三季事此周禮

是周公攝政六季時則三公自名師保起之在苒何

也鄭荅曰周公左召公右兼師保初時然矣聘珍案

古者師保多是兼官並非三公專號公孤亦是兼官

公孤之職卽六卿攝任竝無或邊宋儒毀周禮謂周公方條治事之官未及師保之職皆未未備周公未成之書此皆未及讀漢經師注義徒據僞孔書傳而生說者也

媒氏注今齊人名麴麴曰媒聘珍案麴麴鄭氏本當作鞠麴今本作麴麴者後人以今字改之也知者說文無麴字鞠字注云酒母也从米鞠眉聲駢六切重文作鞠注云鞠或从麥鞠眉聲鄭氏注內司服鞠衣云色如鞠塵賈疏云麴塵不爲麴字者古通用方言